



太平御覽


六十五



内閣文庫	
番號	漢 1842
冊數	240 (65)
函號	別 14 1







太平御覽卷第二百六

職官部四

總叙三師

太師

太傅

太保

太宰

總叙三公

總叙三師

六典曰三師訓導之官也蓋天子所師法太抵無所統職然非尊德崇重則不居其位無其人則闕之

尚書曰成王出殷滅淮夷歸鄴作周官立太師太傅太保茲惟

淺草文庫

三公論道經邦燮理陰陽孔安國曰師天子所師法傳之相天子保之安天於德義禮記云設四輔及三公不必備唯其人語使能也

六典云漢承秦制不置三公漢末以大司馬大司徒大司空為三公師傳之官位在三公上後漢因之師傳尊號曰上公置府僚魏晉江皆然後魏太師太傅太保尊號曰三師後周又為三公隋氏又為三師

太師

毛詩曰尹氏太師維周之氏秉國之均四方是維天子是毗俾

云不迷篆云毗輔也言尹氏居太師之官持國政之平維治四方

又曰維師尚父時惟薦揚諒彼武王肆伐大商

大戴禮曰天子不論於先聖王之德不知君國畜民之道不見禮義之正不察應事之理不博古之典傳不閑威儀之數禮樂無經學業不法凡是其屬太師之任也逸禮曰太公為太師周公為大傅召公為太公保

史記曰周文王德呂於磻溪以為師謂之太公武王嗣位號曰師尚父成王即政尊為太師

漢書音義曰師訓也

應邵漢官儀曰孝平皇帝元始元年太后詔曰太師光今年老
有疾俊入大大臣催國之重書曰無遺老成國之將興尊師重
傳其令太師無朝十日一賜餐賜以灵壽杖黃門令為太師於
省中施坐置几太師入省續漢書曰趙典學篤博閭宜俗國師
即太師也

獻帝春秋曰董卓自號太師御史中丞以下皆拜皇甫嵩與卓
爭權後嵩為中丞見卓拜卓曰可以服朱嵩曰安知明公乃至
於是卓曰鴻鵠固遠有遠至但鷲雀不知平嵩曰昔與明公俱
為鴻鵠但公今日變為鳳凰卓笑曰卿早服何得不拜

晉書載記曰蜀李壽以安車束帛聘龔壯為太師壯固辭特聽
編中素帶居師友之位

宋書曰太師太保為三公訓護人王道以德義天子加拜
待以不臣之礼非人則闕矣漢制保傳在三公上號曰上公自
後常然

隨書曰高祖受禪季穆來朝高祖降座穆之拜太師贊拜不名
員食成安縣三千戶於是穆子孫雖在襦祿拜儀同其一門執
象笏者百餘人穆之貴盛當時無比唐書曰太宗降手詔曰朕
觀前代明王聖主曷常無師傳哉况朕鍾百王之末智不周物

其無師傳何以臣朕之不逮詩不云乎一愆不忘率由舊章宜以依古道置三師位也

通典曰太師右官殷紂時箕子周武王時太公成王時周公並為大師周公夢畢公代之秦及漢初並為至平帝元始元年初置以孔光居為金印紫綬位在太傅上

太傅

太戴禮曰傳之德義也天子無恩於父母不惠於庶人無禮於大臣不中於折獄不哀於喪不敬於祭不信於諸侯不儀於戎事不厚於德不強於行不從太師之言凡是之屬太傅之

任也

漢書曰王莽權曰盛孔光憂惧不知所出上書乞骸骨莽曰太
后帝幼小宜師傳領宿衛明年徙為太師莽為太傅光常称疾
不敢與莽並

漢書音義曰傳覆也

東觀漢記曰詔云行太尉事趙喜三葉在位為國元老其以喜
為太傅

又曰胡廣為太傅總錄尚書事時八年十而心力克壯繼母在
堂朝夕瞻省傍無几杖言不称老建練事体明解朝章雖無謇

直之風屢有補闕之益

又曰卓茂字子康世祖即位求茂謁見年七十餘拜太傅封宣德侯賜凡枝

又曰鄧禹字仲華以元功拜太傅進見東向甚見尊寵後漢書曰張禹遷為太傅鄧太后以殤常初育也育生欲令重臣居禁

內乃詔重舍宮中給帷帳林褥大官朝久進食五日一歸府每朝見特贊與三公絕席

續漢書曰大傅掌以善道無常職每帝即位輒置一人錄尚書事輒省之

華嶠後漢書曰鄧彪字智伯為大傅賜爵關內侯應百官摠己以聽於彪恩寵之異莫與為此焉

應邵漢官曰大傅古官也周成王時康叔為之

高后元年初用王陵金印紫綬

又曰和帝母故太尉鄧彪曰元功之族三讓弘高今以彪為太傅

魏忠曰鍾繇遷太傅繇有膝疾拜起不便時華歆亦以高年疾病朝見皆使載輿車虎賁昇上殿就坐是後三公有疾遂以為故事

晉書曰何曾為太傅乞遜會朝屐履乘輿上殿如漢相國蕭何
田千秋魏太傅鍾繇故事

宋書曰晉宣帝為魏太傅誅曹爽後置左右長史掾屬舍人
各十人事既非常加又領兵非准例也

齊職儀曰太傅呂秩冠服同太宰成王即位周公為太傅遷太
師秦無其職漢惠帝崩呂后以丞相王陵為少帝太傅位在三
公上

後魏書淮陽王欣大統中為太傅文帝謂欣曰王三為太傅再
為太師自古人臣未聞此例欣遜謝而已北齊書曰高歸彥作

亂冀州詔段韶與東安王婁叡率眾討平之遷大傅賜平樂人
十拜歸彥果園一千畝後周書曰王盟為太傅盟姿度弘雅仁
而汎愛雖位居師傅禮冠羣后而謙恭自處未嘗以勢位驕人
魏文帝甚尊重之

賈誼新書曰昔周文王使周公望傅太子發嗜鮑大何魚而及
公弗予文王曰發嗜鮑何為弗予太公禮鮑魚不登乎俎豈
有非禮而可以養太子哉

語林曰太傅府有三才裴邈清才潘陽仲大方劉慶孫長才
曹植輔臣論曰蓋精微聽察理折毫分規矩可則阿保不傾羣

言絲于口而研覈是非典詰揔手心而唯所用之者鐘太傅也
王廙之保傳箴曰保傳之賢明宗國寧輔弼之不忠禍及于躬
無曰父子無間昔有潘崇無曰至親無二或容江充

太保

周禮曰保氏掌諫王惡

諫者以禮
義正之也

大戴禮曰天子處位不端受業不敬言語不序声音不中律進
退升降不以禮俯仰周旋無節凡此之屬太保之任也

尚書太傅曰成王在豐欲宅洛邑使召公先相宅六月乙未王

朝步自周則至於豐惟太師先周公相宅

太保召公先周公
視洛邑也

應劭漢官曰太保右官也保養也

晉書曰王祥字休徵泰始元年拜太保三年御史中丞侯史光

上言祥久以疾病闕廢朝會應免官詔曰太保耆艾元老高行

清粹朕所毗倚以隆道弘治者也前後遜讓不從所執此非有

司所得議也其寢光奏

晉起居注曰太保衛瓘明允篤誠有匪躬之志其給千兵騎

百人

齊職儀殷太申時伊尹為太保周成王時召之為太保崔鴻十

六國春秋蜀李焘錄曰雄異母兄始字伯敬為太保善撫士衆

多歸之時人為之語曰欲養老屬

太宰

呂氏春秋曰荆文王得如黃之狗宛路之增以田於雲夢三月
不及得毋陽之姬暮年不聽朝保申曰先王卜以臣為保吉今
王暮年不聽朝王之罪當笞王伏臣將以笞王曰不穀免於
襁褓而蓋於諸侯矣願請變更而無笞保申曰臣承先王之令
不敢廢也王不受笞是廢先王之令也臣寧抵罪於先王曰
敬諾引席王伏保申束細箭五十跪而加之于背如此者再謂
曰王起王乃變更召保申殺加黃之狗折宛路之增放毋陽之

姬兼國三十九保申之力也太宰

周禮周官上曰太宰之職掌建拜之六典佐王治拜國

又曰太宰以九兩繫拜之民

兩耦合之言繫者以維特其情性使不離散也

尚書伊訓曰百官總已以聽冢宰伊尹乃明言烈祖之成德以

訓于王

陽有功烈之祖也故稱馬王師大田也

又曰冢宰統百官均四海

家語曰官屬不治分職不法明政不一百事失紀曰亂

亂則飭冢宰飭謂整攝

晉書曰武帝時曾何屢上書遜位詔以司徒所掌煩務不可以久勞耆艾其進位太宰朝會乘與劔履上殿以漢蕭何魏鍾繇故事

又曰何曾為太宰年老禮優每召見勅以常所飲食服物自隨令二子侍從

又曰太宰兼與王尊同受顧命輔成帝時帝幼冲詔兼依安平獻王孚故事設牀帳於殿上帝親巡拜

又曰安帝以太宰鄉郡王德文不宜嬰拂事務以紆論道重可

袞是之服綠蓋綬羽葆鼓吹盤音疾盤綠也

草名也出瑯琊平昌縣以艾可染受因以為綬名也

晉公卿禮秩曰安平王孚即陵公何曾汝南王亮皆為太宰

齊職儀曰太宰品第一金章紫綬佩山玄玉堯命羲和使主陰

陽之職羲伯司天即天官也后稷伏為虞夏敬授民時尊稷為

天官夏衰稷後不窋失官由是廢稷殷以其官為冢宰周公在

鄆為太宰安平又居之秦漢魏無其職晉武以從祖安平王孚

為大宰安平薨省咸寧四謂年又置或謂本太師之職避景皇

諱改為太宰周之卿位晉武依周置職以尊安平非避諱元

興中恭帝為太宰桓玄都督中外博士徐謖議太宰非武官不應都督遂陞謖議

後周書曰文帝依周禮逮六官遂置天官大冢宰卿一人掌邦禮以建邦之六典佐皇帝理邦國

通典曰太宰於殷為六於周為六卿亦曰冢宰周武王時周公始居之掌選拜之理秦漢魏並不置晉初依周禮倫三公之職太師居首景帝明師故置太宰以伐之而以安平獻王孚居為仲長統昌言曰冢宰堯官也尚書曰冢宰一曰掌邦治官府以紀万民二曰教典以安邦國以教官府以擾万民三曰禮典一以

統百官以和邦國以詣万民四曰政典以平邦國以平百官以均万民五曰刑典以語邦國以任百官以生万民

魏温子昂為上黨王穆讓大宰表曰臣間策蹇長途終慙一日之致懸縷層臺難任千鈞之重固知才若不可自強力微難以企及智小謀大恐貽折足之憂才輕任重惧有絕贖之悔既慮鑠金固陳匪石

摠叙三公

六典曰三公論道之公也蓋以佐天子理陰陽平邦國無所不通故不以一職名其官

尚書曰惟慈三公論道經邦變理陰陽

周禮曰三槐三公位焉

公羊公二公者何天子之相

春秋漢舍孳曰三公在天馬三台九卿為北斗三公衆五嶽九卿法河海二十七大夫法山陵八十一元士法在阜合為帝佐以匡綱紀

史記曰公孫弘治春秋白以為天子三公漢初用秦置丞相而弘為之則丞相為三公矣

漢書曰六符

孟康曰秦階三台也凡六星也大符星之符驗也

晉書曰文帝為晉王何曾典高柔鄭冲俱為三公將人見曾獨

致拜及敬二人獨揖而矣

晉官品令曰三公緣綬綬也綬音

宋志曰三公黃閣前史無其義按禮記士釋典天子同公侯大夫則異鄭去注云士賤典君同不嫌也夫朱門洞啓當陽之正也也三公之典天子禮秩相凹故黃其閣以示謙不敢斥天子

宜是未制也釋因

通典曰隨置太尉司徒司空以為三公參議國之大事依北齊置府寮無其人則闕祭祀則太尉亞獻司徒奉俎司空行掃除

其位多曠行事則攝

天文錄曰三台星一名三能一名天柱三公之位也在人曰三公在天曰三台

陶氏職官要錄曰三台擬三公黃帝以風后配上天台老配中台五聖配下台

韓子曰背私曰公三衆昇尺數三法三光

傳子曰三公者佐天子理陰陽

環濟要略曰三公者象鼎三足其承其上也

說苑曰三公正天下調陰陽節風雨

古今通語曰異官同爵共位別職與位隆北幽贊神明者謂之太尉紀五教理人倫風行俗平方國咸寧者謂之司徒使國無在理錯刑清事均民聚者謂之司空若仁義之路開和平之氣通則五星順行庶績咸熙李固奏記曰湯問伊尹公卿大夫其相何如伊尹對曰三公智通大道應變不窮者也其言足以調陰陽正四時節風雨非大罪不遜位

太平御覽卷第二百六

志林

樂府

春秋

太平御覽

太平御覽卷第二百七

職官部五

太尉

司徒上

太尉

禮記月令曰孟夏之月命太尉贊傑俊

慕邕章句曰太尉卿官

春秋合成圖曰赤龍負圖以出河見堯與太尉舜等亘二十臣

集發藏大麓

春秋合誠圖曰堯坐中舟與太尉舜臨觀鳳皇授圖史記曰孝

惠帝六年置太尉官

漢書曰太尉秦官也掌武事

又曰高祖言周勃重厚而少文安然劉氏者必勃也可為太尉
東觀漢記曰劉彪字智伯為太尉在位清白廉讓以率下

又曰張輔字孟侯為太尉父尚在輔每遷輔乃一到碓父來適
會正臘公卿罷朝俱賀歲奉酒上輔父壽極欣醺莫不喜其
榮也

後漢書曰楊震字伯起嘗客於湖外不吞州郡禮命教十年衆
人謂之晚暮而震勵志踰篤後有鸛雀御三鱣魚飛集講堂前
都講取魚進曰凡鱣者卿大夫之服象也教三者法三台也自

先生自此昇矣後果位至太尉

又曰劉寬為太尉灵帝頗好學藝每引見寬令講經寬嘗於坐
被酒時伏被加也為酒所加也帝聞太尉醉耶寬仰對曰臣不敢醉但任
重責大憂心如醉

又曰張禹為太尉時連歲災荒府藏空虛禹上疏求入三歲祖
稅以取郡國廩假廩給也假貸也許之

又曰楊震代劉愷為太尉帝舅大鴻臚耿寶薦中常侍李膺兄
於震不從寶乃自往候震曰李常侍國家所重欲令公辟其兄
寶唯傳上意耳言非已本心傳在上之意震曰如朝廷欲令三府辟召固宜

有尚書勅遂拒不許寶大恨而去

又宦者傳曰曹嵩灵位帝時貸賂中官及輸西園錢一德万故
位至太尉

續漢書百官志曰太尉一人掌方岳事物功課歲尽則奏其殿
最而行賞罰世相即位為大司馬

又曰太尉郊廟掌亞獻大喪告謚南郊

又曰王龔為太尉在位恭慎自非公事不通州郡書記其所辟
命皆海內長者

謝承後漢書曰鄭弘為臨淮太守行春有二白鹿隨車夾轂而

行弘恠問主簿黃國鹿為士凶賀曰聞三公車轡盡作礪明府
當為宰相弘後果為太尉

又曰陳蕃拜太尉臨朝歎曰黃憲君不在敢先佩印綬

又曰鄭弘字巨君為太尉舉將第五倫為司空班位在下每正
朝見曲窮自卑帝知遂置雲母屏風分隔之由此以為故事

父曰京兆朱寵字仲威為太尉家貧食脫粟飯卧布被朝廷賜
錦被梁肉皆不敢當

華嶠後漢書曰安常即位太尉徐防以異災寇賊策免就國凡
三公以災免相防始也

袁山松後漢書曰太尉劉虞讓位於羊續靈帝時為三公者皆輸禮錢千萬續奉襁袍以示之曰臣之所有在此而已遂不代虞

張璠漢記曰楊秉字叔卿為太尉常曰我有三不惑酒色財也天下稱為名公

漢書百官表曰太尉秦官金印紫綬掌武事周勃灌嬰周亞夫等為之

又百官表注曰太尉古官也自上安下曰尉故官以為號應劭漢官儀曰帝章詔曰司空牟融典職六年勤勞不怠其以融為

太尉錄尚書事

又曰冲帝冊書曰太尉趙峻二掌樞衡有匪石不二之心

又曰三公國之模範朝廷取正以成斷金大司農李司公族之苗忠正不撓有史魚之風其以固為太尉

又曰河間相張衡說明帝以為司徒司空府以榮歆更治太尉府府公南陽趙喜也西曹掾安衆鄭均素好名節以為朝廷新造北宮整飭宮寺今有本館陶公主第舍負職鮮以自足相授喜表陳之即見聽許其冬帝幸辟雍歷二府光觀壯麗而太尉府獨卑陋顯宗東鎮歎息曰屠牛縱酒勿令乞兒為宰

漢官典職曰太尉孝文三年置七年省武帝建元二年置五年
復省更名大司馬建武二十七年復置太尉

魏志曰文帝踐作錢繇遷太尉

名臣帝罷朝謂左右曰此三公者乃一代之偉人也後曰殆難
繼矣

又曰華歆拜太尉歆疾乞退讓位於管寧文帝不許臨常大會
乃遣散騎常侍繆襲奉詔諭旨曰朕新蒞庶事百萬機懼聽斷
之不明賴有德之臣左右朕躬君真力疾就會以惠一人將
立元廷命百事揔己以須君到然後御坐

又曰鄧艾字士載既平劉禪詔曰艾曜威奮武深入虜庭斬將
擐旗躬斬鯨鯢使僭號之主稽首係頸歷世通諫一朝而平兵
不踰時戰不終日雲徹席卷蕩定巴蜀雖白起破強楚韓信克
勁起吳漢擒子陽亞夫滅七國計功論美不足此勲其以艾為
太尉增邑二万户

又曰王祥字休徵為太尉司馬文王進爵為王祥典司徒何曾
司空荀顛並詣王顛曰相王尊重今可相率而拜祥曰相國勢
位誠為尊貴然乃是魏之宰相吾等魏之三公全王相去一階而
已班列大同安有天子三司可輒拜人者耶損魏朝之美虧晉

王之德君子愛人以禮吾不為也及人苟顯遂拜祥獨長揖文
王謂祥曰然後知君子見顧之重

吳志曰孫皓詔曰范慎勲德俱茂朕所敬馮且登上公以副衆
望可為太尉

晉中興書曰郝鑿為太尉雖在公位冲心愈約勞謙日玄誦勸
墳索自少及長身無擇行家本書生後因喪亂解中從戎非其
本頭常懷慨然咸康五年秋寢疾上疏遜位優詔不許

又曰桓温授侍中太尉固讓不受旬月之中使者八至輶軒相
望於道温遂親職

謝灵運晉書曰秦有太尉掌兵漢仍修之或置或省是故司
馬之官主九代之職

齊職儀曰魏文帝黃初二年日蝕奏免太尉賈詡詔天地災害
責在朕躬勿貶三公遂為永制

五代史後唐書莊宗御文明殿冊齊王張全義為守太尉如常
儀禮畢全義於尚書都省領事宰臣羣官在列左諫議竇專不
降階為御史所劾專授引舊典以對時宰臣不記故事無能詰
責寢而不行

汝南先賢傳曰陳蕃拜太尉讓曰齊七政訓五兵臣不如議即

王鳩

天文錄曰三公星在北斗杓南主宣德化和陰陽若今之太尉司空之象也

摯虞冊隴王太尉文曰朕惟君行為時表親則宗臣論道經邦保又皇家是用造登上台

司徒上

尚書舜典帝曰契百姓不親五品不遜五品五常遜順也

司徒敬敷五教在寬五帝之教務在寬也

禮記王制曰司徒修六禮以民往明七教以興民德齊八政以

防民淫一道德以同俗養耆老以致孝恤孤獨以建不足上賢

以崇德簡不肖以黜惡司徒地官卿掌邦教也

又月令曰孟夏之月司徒行縣鄙縣邑月令章句曰司徒敢官也

又曰契為司徒而民謂知五教之禮也

毛詩緇衣曰緇衣美武公也父子並無周司徒善其於職國人

宜之故美其德以明有國善之之國焉

周禮曰巧立地官司司徒使帥其屬而掌邦教以佐王安擾邦國

擾亦安也

又曰大司徒之職掌達邦土地之圖與其人民之數以佐王安

擾邦國以天下土地之圖周知九州之域廣輪之數辨其山林
川澤丘陵墳衍原隰之名物

又曰地官曰大司徒之職以五禮九連邦國以土圭土其地而

制其域士其地猶言度其地也

又曰大司徒之職以五禮防万民之偽而教之中禮所以節土民之多偽使其行

得中以六樂防万民之情而教之和樂所以蕩王民之情君使其心應和之

又地官曰大司徒之職以保息六養万民一曰慈幼保息謂安之也慈幼

謂愛之也二曰養老三曰振窮四曰恤貧五曰寬疾六曰安富安富

謂平其徭役不專取

春秋傳曰祝鳩氏司徒也

尚書大傳曰百姓不親五品不訓則責司徒

韓詩外傳曰君臣不正人道不和國多盜賊人怨其上則責之

司徒

論語摘輔像曰仲尼為素王顏淵為司徒

家語曰地宜不殖則物不蓄万民飢寒教訓不行風俗淫僻人

民流散曰危々則飭司徒飭謂整攝

漢書曰祝良字仲子東海人為大司徒鮑恢為長史以東至東

海過其家見良妻布衣徒跣曳柴從田中歸恢告曰我徒史也

故來投書欲見夫人妻曰妾是也若掾耶恢下拜之歎息而歸
東觀漢記曰鄧禹為司徒討赤眉不以時進光武書司徒亮也
赤集也今為安飢民熟不延望

又曰袁安為司徒每朝會憂念王室未嘗不流涕

又曰郭丹為司徒在朝名清廉公正

後漢書曰蔡茂字子禮代戴涉為司徒在職清儉匪懈茂初在
廣漢薨在大殿之極上有三德禾茂跳取之得其中穗輒復失
之主簿郭賀離席慶曰大殿者官府之形像也極而有穗禾人
臣之上祿也取其中穗中台之位也於字禾失為秩雖曰失之

乃以得祿秩也衮職有闕君其補之旬月而茂徵為辟賀為掾

又曰元武即位高也使、者持節拜鄧禹為大司徒策曰前將
軍禹示執忠孝與朕謀謨帷幄決勝千里孔子曰自吾有回門
人日親斬將破軍平定山西功效尤者百姓不親五岳不訓汝
作司徒敬敷五教、、在寬今遣奉

車騎、授印綬封為鄼侯邑万户其敬之哉禹時年二十四

又曰范遷為司徒有宅數畝田不過一頃復推與兄子其妻常
謂曰君有四子而無立錐之地

又曰張湛稱疾不朝後大司徒戴涉被誅

淑字叔平莫州清河人也生所奉人盜金

不帝強起湛以代之湛至朝堂遺失屐漫小便也漫音

所流因自陳疾篤不能復任朝事遂罷之

又曰為勤遷司徒先是三公多見罪退帝賢勤欲令以善自終

因讒見從容戒之曰朱浮上不忠於君下陵轢同列竟以中傷

至今宋浮為大司空坐賣弄因恩免又為陵轢同列帝御之惜其功不忍加罪

生吉之未可知豈不惜哉人臣放逐受誅雖復追加賞賜賻祭

不足以償不訾之身訾量也言無量可比之貴重之極也訾與資同

忠臣孝子覽照前代以為鑑誠能盡忠於國事君無二則爵

賞在乎常代功名列於不朽可不勉哉勒愈約恭尽忠號稱職

又曰宣秉字巨公拜大司徒所得俸祿以收養親族自松字十

八八也後十年吾當為公手遂如夢焉

太平御覽卷第二百七

太平御覽卷第二百八

職官部六

司徒下

司徒下

晉書曰王渾字玄冲遷司徒仍加兵渾以司徒文官主吏不持
兵守六乃吏屬絳衣自以非是舊典皆令皂朕論者美其謙而
識体

又曰石苞為司徒秦州群農桑未有賞罰之制宜遣掾屬循行
皆當均其土宜舉其斂最然後黜陟焉詔曰農殖者為政之本

有國之大務也。雖欲安時興化，不先富而教之，其道無由而至。今四海多事，軍國用廣，加承征伐之後，屬有水患之旱，倉庫不充，百姓無積，稼穡樹藝，司徒掌之。今雖登論道，然經國六政，唯時所急，故陶唐之世，稷官為重。今司徒位當其任，有毀國紓國，乾、匪躬之志，其使司徒督察州郡，播殖其增，置緣屬十人，听取王官更緣事業者，苞在位，稱為忠勤，帝每委任焉。

又曰：何曾之子也。永康初，拜司徒。趙王論蔘位及三王交爭，邵以軒冕而遊其間，無怨之者。

又曰：何曾字隸考，以大保郎中領司徒。曾固讓，邵曰：司徒舊承

相之職，自古及今，摠論人物，化治之本。君弘道，故選於衆而復

盤桓，非所間也。

無擔石之儲。

又曰：鮑昱，伐王敏為司徒，賜錢帛什器帷帳。

又曰：司徒公一人掌民事，凡教民孝悌，遜順，謙儉，養生送死，事以議其制，逮其度，凡四方民事功課，歲及則奉其敎，最而行，罰凡郊祀之事，掌牲視濯。

謝丞後漢書曰：劉寵為司徒，卧麤布被。

衆馴，五岳府與蒼龍闕對，厭於尊者，不敢稱府也。

漢官典職曰司徒本承相官哀帝改為大司徒主司徒

魏志曰華歆字子魚拜司徒歆素貧祿賜以服施親戚故人家無擔石之儲公卿嘗並賜沒入生口唯歆出而嫁之帝數息下詔曰司徒司嚮老所與和陰陽理庶事也今太官重膳而司徒蔬食甚無謂也特賜御衣及其妻子男女皆衣服

又曰黃初元年改相國為司徒御史大夫為司空奉掌郎中令為大司農

魏名臣奏曰黃門杜恕奏曰漢故事人民病疾責之司徒蜀志曰許靖字文休及先主即尊號策靖曰朕獲奉洪業君臨萬國

夙宵惶々惧不能緩百姓不親五品不訓汝作司徒其敬敷五教々寬君其勗哉秉哉無息稱朕意為靖雖年踰七十憂樂人物納於後進清談不倦丞相諸葛亮皆為之拜

吳錦曰丁固為司徒初為尚書夢松樹生其腹上謂人曰

又曰魏舒為司徒不持激厲不課人短陳雷周震為諸所辟書既下公輒王魚號震曰敘公椽舒辟之果無患

又曰王戎代王渾為司徒高選長史兩曹掾委任責成戎刑長杖短陋而自明徹威儀不足常畜馬輦無日不出親類之止無不弔也常以象也牙竿晝夜竿計家財遠及田牧性又至儉下

能善自奉養財不出外天下之人謂之膏肓之病

又曰山濤為司徒固辭出斷表卧加章綬曰豈可以垂沒之年
汗宦乎遂出歸家

又曰魏舒字陽元為司徒年過致任有遜讓意而無居宅乃漸
以俸秩餘為第一所舒素為人先行之而後言故未曾語親踈
言當遜位九年正月整法服入殿朝會罷還奉送綬內外莫
有舒此情者

曹嘉之晉紀曰王戎再至司徒委事掾屬乘小馬從便門出見
者不知是台司也

晉諸公讚曰司徒傅祗疾遜位不許板輦上殿

晉中興書曰劉隗從兄疇字玉喬有重名司空蔡謨每歎曰若
使劉王得南渡司徒公之美選也

又曰蔡謨字道明遷司徒謨固讓曰若我作司徒將為後代哂
義不敢拜詔數十下謨章表十餘上陳以疾篤帝臨朝自朝至
申而微不至公卿以蔡公教無人臣送之禮奏送謨廷尉莫率
子弟詣闕稽顙詔免為庶人齊職儀曰司徒品秩冠服同丞相
郊廟服冕同尉漢哀帝從朱博議始置三司改丞相為大司徒
以孔光為之魏以華歆為之

北齊書曰孫騰初北境辭騰止一女及賁推訪不得疑其為人
婢及為司徒婢訴良者皆免之願免千人冀得女其神武知之
大怒遂解司徒

墮書曰王誼為大司徒蘇威立義以為戶口滋多民田不贍欲
減功臣之地以給民誼奏曰百官歷世勲賢方蒙爵土一旦削
之未見其可如臣所慮恐朝臣功德不建何患民田有不足上
然之境寢威儀

唐書曰太和四年守司徒裴度上表辭冊命言臣此官已三受
冊有醜顏目從之

九州春秋曰灵帝賣官廷尉崔烈入錢五萬百萬以買司徒列
子均以前時名列問曰吾作公天下人謂何如對曰大人少有
高名不謂不當為公今登其位海內嫌其銅臭列舉杖繫之均
走烈曰子授父搥而走可謂孝乎均曰舜之事父小杖則受大
杖而走小陷父於不義烈曰尔以吾為瞽叟耶

華陽國志曰自建武之後群儒修業開案圖緯漢之宰相出當
坤卿於是司徒李公屢登七政大傳于堅亦代論道

荀氏家傳曰組字大章中宗為晉王時將徵為司徒問太常賀
循曰組舊望清重勤勞顯著遷訓五品以統人倫實充人望

詔以組為司徒

江氏傳曰江統字應元時太傅從事中郎度子嵩以風韻見重亦雅敬君德每云當今可以居司徒克民望者江生其人也

管子曰昔者黃帝得祝融辨南方故使為司徒

符子曰晉侯欲以孔子為司徒將召三桓而議之乃謂左右明曰寡人欲以孔丘為司徒而授以魯政為寡人欲將徇諸三子左丘明曰孔丘聖人與夫聖人在政過者離位為君雖欲謀其合乎魯侯曰吾子奚以知之丘明曰周人有愛裘而好珍羞欲為千金之裘而興狐謀其皮欲具少牢之珍而興羊謀其羞焉

言夫卒孤相率逃於重丘之下羊相呼藏於深林之中故周人十年不制一裘五年不具一牢何者周人之謀失之矣今君欲以孔丘為司徒召三桓而議之亦以狐裘與羊謀羞哉於是魯侯遂不與三桓謀而召孔丘為司徒

典畧曰夫為司徒百姓和親夔主賓客遠人必至

蔡邕中鼎銘序曰惟建寧四年春三月進公登于王前廷乃制詔曰其以司空橋玄為司徒公拜稽首三讓然後受命

曹植輔臣曰辨博通幽見傳異度德實元塞於內知謀後橫於外解疑釋滯剖散盤結者王司徒

荀勗答詔曰咸寧四年司徒何曾遷太宰詔問勗司徒處當得人副遠近之望并治事見才誰可也勗表三三公其膽之望并誠不可用非其才人昔魏文帝用賈詡為公孫權笑之尚書令李胤忠亮高潔應處治輔

宋謝莊為北中郎謝譙司徒章曰臣聞燮理陰陽寅亮天工不惟其官無人則闕司徒掌教五典職擾兆民豈悟乾灵因虞光握方闡不次之任殊絕蕃兵豈可權尸三事假備六符慙震周迴顧步交悸

司空

尚書曰舜曰咨四岳有能奮庸熙帝之載奮明也堯曰伯禹作司

司空曰俞咨禹女平水土時懋哉帝曰然嗟禹女有平水土之功推是勉之而委以政

又曰司空掌邦土居四民時地利冬官卿主國時空土以居士農二商四民使順天時分地利也

禮記王制曰司空執度度地司空冬官卿掌邦事者也度大尺也量地遠近興事任

力。春秋詔四年爽鳩氏司空也

漢續志曰司空為冬官掌邦事凡營城起邑復溝洫修墳防之地則議其力建其功四方水土功課歲尽則奏其殿勗而行賞罰凡國有大造大疑諫諍與大尉同

春秋元命苞曰苞束六星兩兩而比曰司空主水金木守之天

玄武水神之名司空水土之官也於是擢拜梁為大司空
又曰竇融拜冀州牧十餘日又選大司空融自以非臣一旦入
朝在功臣之右召會進見容貌糾氣卑恭已甚帝以此逾親厚
之。又曰陳寵為司空府事故以計吏至時自以下督屬籍不
通賓客以防交閤寃去籍通客以明為所不受論者大之
又曰張奮字穉通父純臨終勅家承曰司空無功於時猥蒙爵
土之身死之後勿疑傳國奮兄根少被病光武詔奮嗣續嗣奮
稱純遺勅固不肯受命以奮為紹勅下收獄奮惶怖乃襲
又曰第五倫章帝立徵拜司空奉公不撓言議果決後自陳老

病以二千石祿俸終厥身

續漢書曰張奮為司空時歲旱祈雨不應乃上表即時引見復
口陳特政之宜帝召太尉司徒幸洛陽獄錄囚徒大雨三日
華橋後漢書曰第五倫雖峭直然常以中興已來二主好吏化
兩尚苛刻政化之本宜先以寬和及為三公值帝章長者多怒
屢有善政倫上疏褒稱感美因以勸成德之風也
又曰伏恭為太僕常臨辟雍行礼中拜恭為司徒儒者以為崇
表宏後漢記曰第五倫為司空有人與倫為千里馬者倫雖不
取每三公有所奉選倫心不忘也然亦終不用

漢官解詁曰下理坤道上和乾光謂之司空

魏志曰景初元年司徒司空並缺散騎侍郎孟康曰夫宰相者天下之所瞻效成宜德秉忠履正本德伏羲之士足為海內所師表者竊見司隸校尉崔林秉自然之政惟体高雅之弘量論其所長以比古人之忠直不回則史魚之儔也清儉守約則季文之疋也遂為司空封安陽侯三公封列侯自林始也
又曰徐鮑拜司空嘆曰三公論道之官無其人則缺豈可以老病忝之哉固辭不受

晉書曰裴秀為司空剛定官制損益多善當禘代之際摠納言之要其所裁當理者無遺又按禹貢山川地名古有今無者皆隨事註列作禹貢地域圖十八篇事成奏藏於祕府秀在位四年為當世名公

又曰鄭褒字林叔為司空天子臨軒遣就第拜授褒謂使曰魏以徐景山為司空徐公曰三公上應天心苟非其人實傷和氣固辭見許

晉起居註曰武帝太史七年光祿大夫鄭褒体行純正履道冲粹退有清和之風進有素絲之節宜奔三階之耀補衮職之闕明弼朕躬其不逮其以褒為司空

晉中興書曰虞現字士瑤王道邾鑿庾亮相繼薨遷現為司空
給羽林四十八現比陳讓不聽既拜歎息謂賓客曰以我為三
公是天下無人矣論者以現為知言

齊職儀曰司空品秩官服同太宰舜以禹為司空成王以毛公
為司空宋以武公之韓改司空莫敖秦置御史大夫省司

後魏書曰伊馥拜司空及為三公清約自守為政舉大綱而
已不為苛碎

後周書冬官之位大夫司空卿掌邦事以五材九範之徒佐

皇帝富邦國大祭祀行洒掃廟舍四望則奉犧牲

唐書曰天寶十二載冊楊國忠為司空其日雨土

五代史唐曰清泰二年制以前同州節度使馮道為守司空特
議以自隨唐以來三公無職事自非親王不恒職于宰臣為加
官無單置者道在相位帶司空及罷鎮未命官議者不練故事
悉意行之及制出言議紛然或曰便可綜中書門下事或曰須
冊開府及親列無故事乃不就朝堂叙班臺官兩消官入就列
方入宰臣退踵後先退及晉天福中以李鏐為例議者不復有
云華陽國志曰趙瑤字元珪拜扶風太守未之郡司空張溫曰
弟伯魚從蜀郡為司空今掃吾弟以待足下

荀氏家傳曰荀爽字慈明董卓徵公公到府三日策拜司空爽
起巖穴九十五日而為台司世人號為白衣登三公

又曰顛為司空文帝平蜀議復五等表魏朝使公定禮儀中議
軍賈充正法律尚書僕射裴秀議官制公遂制定舊文行正式
為一代之典書成奏藏於祕府其服色旗幟法駕之式禮樂儀
牲柴燎之典書成祫禘遷毀配食之制及於明堂辟雍之儀皆
公所議定朝廷歸其美公既為台府輔德望清重加以番心禮
樂以老年多疾不教朝見詔侍中任愷諮問政化所宜行否
又曰蕃字大堅為司空劉琨表于太子曰荀蕃而已朝廷之舊

臣世^帝幸^帝惠^帝勤乃心皇家其擔之望唯蕃而宜增位甄授分陝之
重永令臣等有所憑准

白虎通曰司空主土不言土而言空空尚主之况於實乎

環濟要略曰冬官司空掌邦事營城郭都邑立社稷造廟宮宅
器械監下工

典畧曰禹為司空披九山通九澤次九川定九州使各以其職
來貢

傳子曰荀仲豫稱禹十二為司空

世論曰諸葛誕為鎮東將軍督都揚州司馬文王秉政徵誕為

司空書至誕曰我當在王文書後今便為司空不遣使者出賁
書便以兵符樂綝此必林所為乃將左右數百人至揚州州人
歛閉門誕叱之曰卿非我故更即徑入綝逃上樓就斬之
齊孔稚珪為王敬則讓司空表曰故李通豪膽以親寵登用王
基才勇以聲華入選先帝擢臣以榮華陛下申臣以富貴遂得
北帝五州東跨六郡內亞三鼎外奔四岳蟬佩之快則左右文
輝龜紐之華則縱橫吐懼輕輪徐動則劍騎如雲飛蓋暫停則
歌鍾成列綬金龍吹鬱其前鳴笳鳳管疊其後鄧禹若不遭漢
光則南陽之掾使微臣若不逢明聖則孤城之戍客豈可加以正

台之席登以論道之寄啓黃扉而燮五緯躡青帟而調四序
梁劉孝儀為臨川王解司空表曰臣以庸薄謬竊際重職班三
事任搢六條衣袞坐槐既閑綸道馳傳態堂慙為政而俯司土
地仰燮湯陰折撓之機以彰愆伏之咎爰著今水埃不躍早魃
為災山無蒼蔚雲成烟火陛下曲私未垂策免臣職是當於何
逃責乞責降茲台步協此天人

太平御覽卷第二百八

太平御覽卷第二百九

職官部七

大司馬

大司馬

帝昭辨釋名曰大司馬馬武也大摠武事也大司馬掌軍古者
兵車車四馬故以馬名官

周禮夏官曰大司馬之職掌建邦國之九法以佐平王邦國成

也制畿封國以正邦國

封為立封
立疆為界

設儀辨位以等邦國

儀謂諸侯
之儀也別

尊卑進賢之典功以作邦國

作起也起其勸善崇
業之心使不廢也

建牧立建以維邦

國 牧州牧也監二國
謂居也維維結也

制君詰禁以均邦國

結猶窮治也
均猶一也

施貢分職以

任邦國 職謂賦稅也任其事
以其力之所堪也

簡稽鄉民以同封邦國

簡謂比數之
以稽稽訓也均

守平則以安邦國

均之者尊者守大平
者守之者則法也

比小事大以和邦國邦

比猶
親也

使大國親小國小國
事大國相合也

以九法之法正邦國

諸侯有違王命則
出兵以征伐所以正也

尚書曰司馬掌邦政統六師平邦國也

毛詩曰圻父

圻父司
馬也

予王之爪牙

春秋運斗樞曰黃帝與大司馬容光觀鳳凰御國置

黃帝前

尚書中候曰稷為大司馬舜為太尉

尚書大傳曰蠻夷莘夏寇賊姦宄則責之司馬

韓詩外傳曰故陰陽不和四時不節星辰失度災變非常則責
之司馬

河圖洛運法曰皇帝坐玄扈閣上與大司馬容光左右傳將周
昌等百二十人觀鳳凰御書

家語曰賢能而失官爵功勞而失賞祿士卒疾怨兵弱不用也
不平財飭司馬 飭謂
整攝

史記曰楚大司馬景舍師軍伐蔡蔡侯奉社稷而歸之楚奔其
賁舍辭曰發誠布令而敵退是王威也相攻而敵退是將威也

戰而適退是衆威也臣不宜以衆威之受賞

漢書曰元狩四年上命大將軍魏青驃騎將軍霍去病合兵五萬騎數十萬出塞斬首捕虜有功乃陟大

司馬

又曰董賢為大司馬是特賢年二十二雖為三公常給事中領尚書百官因賢奏事單于來朝晏見群臣上前單于恠賢年少以問上令報曰大司馬年少以大賢居位單于乃啓拜賀漢得賢臣也

又曰孝元王皇后成帝母也家凡十侯五大司馬外戚莫盛焉

又曰文帝綏和元年賜大司馬金印紫綬置官屬祿比丞相

東觀漢記曰更始欲以近親巡行河北大司徒賜言上弟亦可
用更始以上為司馬遣之河北

又曰讖云孫賢征秋命以平狄將軍孔咸行大司馬事

後漢書曰世祖百繫群賊吳漢常將突騎五千為軍鋒數先登陷陣及河北平漢與諸將軍奉圖書上尊號世祖即位拜漢為大司馬

又曰上疾瘳召見陰與歆以伐漢為大司馬與叩頭流涕固讓曰臣不敢惜身誠虧損聖德不可苟冒至誠於中感動左右

帝遂聽之

漢帝序曰三司之職司馬主兵漢承秦曰太尉武帝改曰大司馬無印綬官兼加而已世祖改曰太尉

吳志曰赤烏九年秋九月以車騎朱然為左大司馬衛將軍全琮為右大司馬

晉書曰石苞泰始之初拜大司馬舊參將於都督無敬故孫楚抗衡于苞上以楚傲更相表裏故參軍有敬自楚始也

又曰齊王罔之盛也有一婦人詣大司馬府求寄產吏詰之婦人曰我截腰便去耳識者聞而惡之

又曰陳騫咸寧初轉大馬司騫因入朝言於帝曰胡列牽弘皆勇而無勇謀強於自用非綏邊之材為國耻願陛下詳之特弘為揚州刺史不承順之騫命帝以為不協相稱於是徵甄既至復以為涼州刺史騫命帝以為竊嘆息必敗二人後果失羗戎之和皆被冠裘沒征討歲僅得定帝乃悔之

晉武帝太始官名曰大司馬石苞開通爽悟秉意不辟

晉公卿禮秩曰司馬兵官也魏氏大馬大將軍各自為官在三司上晉以石苞為大司次三司下

晉諸公贊曰義陽王為大司馬特父子為太宰父子居上公中

代以前未之有也

晉中書曰王猛少貧賤鬻食為事嘗至洛陽貧食有人於市賣其食云家在此可隨我取直猛隨去忽至陳深山此人曰且住富先啟道君須臾猛進見一公踞胡床頭白侍從十許人有一人引猛大司馬公可進猛因拜老公曰王公何緣拜即十倍售食直遣人送猛出山視之乃嵩高山也

齊職儀曰大司馬品第一秩中二千石金章紫綬武冠絳朝服佩山玄玉其在少昊則鳩氏之任顓頊於司馬主火堯命羲曰叔為大司馬官也虞夏二代以司夏官素居其職周成王以早

公高為司馬楚漢之際曹參周勃始居其職

又曰大司馬俯舊為閔王莽篡位故貶去闕焉

後魏書曰安定王休領大司馬高祖親行諸軍遇休以三盜人循行六軍斬之有詔勅之休執曰陛下將遠親臨衛霍故親御六師跋涉野次軍行使尔已有奸竊如其不斬何以息盜詔曰大司馬執憲誠如是但因會朕王者之体亦特有非常之澤雖軍法可特原之休乃奉詔高祖謂司徒誕曰大司馬嚴而秉法軍不可不博於是六軍蕭然

後周書曰夏官謂之大司馬

管子曰昔皇帝得大封辨乎四方故使司馬

又曰涼風至白露下天子命左右司馬金組甲士厲衆

博子曰曹大司馬之勇賁育弗如也

博物志曰太公望為灌壇令文王夢見婦人當道哭問其故曰

吾太山之海神嫁為西海婦灌壇令當吾道夢覺召太公三日

果風疾雨暴文乃拜太公為太司馬

班虎上事曰元狩六年罷太尉置西司馬時議以北軍中侯有
千人司馬故加之為大司馬所以別大馬之號也

三公俯掾屬

太尉長安

應詔漢官儀曰太尉司馬司徒司空長史秩比千石號為毗佐
三台助和鼎味

太尉掾

汝南先賢傳曰李宣字公休為太尉黃瓊所辟時寒暑不和瓊
見掾屬曰是太尉無德願諸掾有以臣之次及宣曰明公披日
月之衣居上司之位輔弼天子處諫諍之職未有對揚寒暑之
言其所推命不受若谷之事小掾私所以於邑

廣州先賢傳曰鄧威字伯真蒼梧人太尉諸曹掾彭城相左常

以穢罪三府掾屬拷驗踰科不竟更選威履拷感到獄洗浴上
解械賜席乃謂上曰君受國重恩而所坐視理如此今遇君子
不可以小人道相待尚感感之意對曰今使君相於如此尚猶
何心敢不以死相歸乎即引筆具對

衛玠別傳曰玠字季道陳留人有今聞當年太尉王君見而
問曰老莊與聖教同異玠曰將吾同太尉善其言而辟之為掾
世號曰三語掾君見而謝之曰一言可辟何假三玠曰苟是天
下民望可無言而辟復何假於一言

崔寔政論曰且三公天子之服肱掾屬則三公之喉舌天子當

恭已南面於三公三公委策掾屬以答天子

太尉從事中郎

後魏書曰郭景尚字思和涉歷書傳遷太尉從事中郎善事權
寵權世呼為郭尖

于室司徒儀曰從事中郎之職各掌所治之曹而紀綱其事維
正大体參補謀議

太尉主簿

後魏書曰元慶智性貪鄙為太尉主簿事無大小得物然後判
或十錢二十錢得便取之府中號曰十錢主簿

廣州先賢傳曰鄧威字伯直為秭歸令聞母病解印綬去太尉
馬公嘉其所履服竟辟之初入府為主簿

司徒長史

東觀漢記曰呂梁為司徒長史以清白方正稱

于室晉記曰傅咸為司徒長史多所執正

齊書曰到搗為司徒左長史宋世上數遊會搗家因從明帝射

雉郊野渴倦搗得早青瓜與上帝剖食之上懷其舊懷意將良

厚至是一歲三遷

梁書褚球字仲室為司徒左長史加貂自球始也

于室司徒曰右長史職掌檢其法憲明其分職

司徒掾

漢書曰武帝特司徒奏州郡農桑未有賞罰制其遣掾屬循行

詔遂使司徒督蔡州郡搢殖有所循者增掾屬十人

謝承後漢書曰虞廷辟司徒候霸府正旦百官朝賀上望見廷

在公府掾屬中馳小黄門問曰故陳晉督郵虞延非邪對曰是

遂前召見

漢雜事曰陳寵為司徒掾先是公府掾多不親事但以交接為

務寵常獨親事

魏書曰王粲字仲宣年十八司徒掾辟遷黃門不就

晉書曰魏舒為司徒時陳晉周震累為諸府所辟書既下公
輟喪亡僉號曰殺公掾莫有辟者舒因辟之而竟無患識者以
此稱其達命

又曰周馥遷司徒左曹掾司徒王薏奏曰馥理識清正有才幹
主定九品檢精詳拾匡委任責成褒貶允當請補尚書即許之
于室司徒儀曰掾屬之職敦明教義肅厲清風非禮不言非法
不行以訓群吏以貴朝望各掌其所治之曹

鍾離意別傳曰司徒侯霸辟意署議曹掾以詔書送徒三百餘
人到河北遭遇隆冬盛寒徒衣被單手足不能復行到弘農縣
使令出見錢為徒作襦袴令曰不被詔意曰使者奉詔命寧私
行邪出錢便上尚書使者亦當上之光武黃帝得上狀霸曰所
使掾何仁怒為國用心乎誠良吏也

漢觀東記曰司徒侯霸辟閔仲叔到與相見勞問之不及政事
仲叔曰始被明公辟且喜且惧及奉見明公喜惧皆去所望明
公問叔何以為政美倍成化以仲叔為不足邪不當辟也如以
為應用而不使陳之則為失人是以喜惧皆去便辭而去

晉書典書曰殷融字洪遠司徒王尊以為左西蜀融飲酒善舞

終日嘯詠未嘗以事務自嬰尊甚相悅親焉

司徒從事郎中

晉中興書曰穎川荀組字大章司徒王渾表曰左西蜀荀組文義貞表清識見稱宜轉從事中郎

陶氏家傳曰昞字恭淵為大司徒王導從事中郎為人正直不撓尊亦以此重焉每言陶中郎有輔佐之才真國器也

司徒諮議參軍

晉中興書曰廬江何充字次道為司徒王道諮議參軍

後魏書曰李系為主客郎署北所謂不決以卿人才故有此奉

司空掾

三國典畧曰齊許惇讓之子也性識敏達於從政嘗為司徒主簿以能判斷號為人鐵主簿

司空掾

魏志曰國淵字子尼太祖辟為司空掾屬每於公朝論議常直言正色退無私宴

又曰太祖為司空丞相毛玠常為東魯掾與崔琰並典選卒其所舉用皆清正之士雖有盛名而行不由本者終莫得進務以儉率人由是天下之士莫不以廉節自力雖貴寵之臣與服不

敢過度太祖漢曰用人如此使天下自治復何憂哉

邴吉別傳曰原字根矩魏武帝初為司空辟署議曹掾請見禮畢上送至門中原辭直去不顧上還語左右孤甚敬此人與其辭遠送之謂其上顧而終不顧此人誠高士也人謂曰君宜謝公公望君一日辭不顧揖原勃然曰夫何謝哉夫揖讓者謂敵耳吾人臣也公人居也君尊臣卑揖讓何施且孔子及俞曰賓不顧矣何吾謝哉人語上上曰快乎斯言也夫有斯名而豈徒

太平御覽卷第二百九

太平御覽卷第二百一十

職官部八

錄尚書

尚書令

錄尚書

漢書張安世領尚書事職典樞機以謹慎用密自著每言大政已決輒移病出聞有詔令乃驚使吏之丞相府問焉自朝廷大臣莫知其與議也

又曰孔光字子夏領尚事凡典樞機十餘年守法度修鄭事不希苟合或問温室省中樹皆何木也光荅他語甚慎密也如此

應劭漢官曰章詔曰司空牟融典職六年勤勞不怠其以融為
太尉錄尚書事

又曰和帝策書曰故太尉陳蕃忠亮蹇諤有不吐茹之節司徒
湖廣敦德允元五世從政今以蕃大傳典廣參錄尚書事

又曰冲帝策書曰太尉趙峻二世掌典機衡有匪石不二之心
大司農李固公候之晉忠直不回余以峻為大傳固為大尉參
錄尚書事

晉書曰元康元年誅楊駿詔曰司徒王渾秉德忠正思量弘遠
歷位内外文武勳庸著在方策宜恭弼機衡以亮天工其令錄

尚書事

又曰賈充為太尉錄尚書事及伐吳為大都督吳平遣侍中程
咸犒勞增以八千戶

又曰會稽王道子元顯並錄尚書事特為道子為東錄元顯為
西錄。晉中興書曰泰和元年詔會稽王休道冲虛理識明允
阿衡孝文有保艾之規輔弼衣室尽翼亮之道朕成洪緒乃聞
善誘慎徽五教儀形具瞻登賢顯親國之典也其以為丞相錄
尚書事入朝不趨讚拜不名劔履上殿給與係鼓吹班劔六十人
又曰元興元年八月庚子尚書下舍大是特桓玄用事出鎮姑

熟名雖在外實遙錄尚書故天火示不復用也

又曰明帝后戾子為皇太后九月癸卯皇太后臨朝經制司徒王道錄尚書事

傳暢晉故事曰何劭王戎張華裴楷楊濟和嶠為岷懷大傳通省尚書省事張華為光祿大夫尚書七條事皆諮而後行惠帝之世太保衛瓘大宰河間王顒太傅東海王越皆錄三省尚書秘書事

沈約宋書曰高武永初三年尚書令揚州刺史徐羨之為司空錄尚書事

又曰武孝帝即位以大將軍江夏王義恭為太尉錄尚書事

又曰諸公錄尚書事制古也王肅書解尚書納于大麓曰堯納舜於尊顛之官使大錄乃機之政案漢氏諸史平尚書奏事後霍光以大司馬大將軍平尚書事

齊書曰明帝為宣城王錄尚書事廢帝昭業思蒸魚太官以無錄公命不與

後魏書曰北海王祥初選大將軍錄尚書祥之拜命其夜暴風雲電拔其庭中桐樹十大圍倒立本處天威如此識者知其不終。三国典畧曰齊以并省尚書郎中源師常舡肱云龍見當

雲舛肱問曰何處龍見作何顏色師答曰此是龍星須雲祭也
非是真有龍見舛肱曰漢見多事強知星宿

唐書曰官品志曰錄尚書一人位在令上掌典令同但不糾察
今則糾察彈諫事與御史中更相廝察

陶氏職官要錄曰後漢高帝以太傅趙喜太尉牟融並錄尚書
事錄名自此始也因斯以來每帝幼即位輒置太傅錄尚書事

尚書令

六典曰尚書令掌總領百官儀形端揆其屬有六尚書一曰吏
部二曰戶部三曰禮部四曰兵部五曰刑部六曰工部凡庶務

皆會而決之

漢官儀曰尚書令主贊總典綱紀無所不統秩千石故公為之
者朝會不陞奏事增秩二千石天子所服五時衣賜尚書令其
三公列卿將大夫五營校尉行復道中遇尚書令僕射左右丞
皆迴車豫避衛士傳不得紆臺官臺官遇乃得去

漢書曰張安世字子孺少以任父為郎用善事給事尚書精力
於職休沐常出行幸河南尚書三篋詔問莫能知唯安世識
之具作其事後購求得書以相授無所遺失上奇其才擢為

尚書令

東觀漢記曰陳忠為尚書令數言諍旨弘農前後所奏悉
條於宮上閣以為故事

又曰侯霸為尚書令深見任用樊准為尚書令明習漢家故事
周密畏慎申屠剛為尚書令謇、多直言無所屈撓

後漢書曰宋均拜尚書令每有駁議多合上旨均嘗劾疑事
帝以為有姦大怒收即縛格之諸尚書惶恐皆叩頭謝罪均顧
厲色曰蓋忠臣執義無有二心若畏威失正均雖死不易小黃
門在傍入具以聞帝善其不撓即令貸郎

又曰申屠剛遷尚書令光武嘗欲出遊州以隴蜀未寧不宜委

安逸豫諫不見聽遂以頭軻乘輿輪帝遂為止

又曰郭賀字喬卿為尚書令百姓歌之曰厥德仁明郭喬卿忠

正朝廷上下安平

又曰侯霸拜尚書令條選善政有便於民者除其煩苛特令立

夏寬大詔書由霸始建言施用

又曰陳蕃出為豫章太守性方峻不接賓客徵為尚書令送者
不出郭門

華嶠後漢書曰申屠剛為尚書令時內外群官多帝自遷舉加
以法理言嚴自處察職事過若尚書近臣乃至捶撲亭吏於前

群臣莫敢言唯剛每極諫

張蕃漢記曰左雄為尚書令在位者各肅清特稱曰左伯侯為尚書令天下皆性選伯豪雄字也

漢官曰尚書令秦銅印墨綬與司隸校尉御史中丞皆專席坐京師號曰三獨坐言其尊如此

魏志曰陳矯為尚書令魏明帝卒至尚書門矯跪問之曰欵案行文書耳矯對曰此臣職分非陛下所宜臨也若不稱則請就點帝慙乃迴車

又曰荀彧為尚書令常以書陳事臨薨皆憤歎故奇策密謀不得盡聞又非正道不用心名重天下莫不以為儀表海內俊英咸宗之焉

魏氏春秋曰荀牧字公達為尚書令從太祖征伐常謀善惟慳特人及子弟莫知其所言太祖每稱之曰公達外愚內智外怯內勇外弱內強不伐善無施勞知可及智不可及雖顏回審武子不能過文帝在東宮太祖謂曰秦公達人之師表也汝當盡禮敬之攸曾病世子問疾獨拜床下其見尊異如此始攸之入尚書太祖聞名與語大悅謂荀彧鍾繇曰公達非常人也吾得與之計事天下當何憂哉

蜀志曰費禕代蔣琬為尚書令于時戰多事衆務煩禕識悟
過人每省讀書記粗本目暫視寃其意旨其速數倍於人終日
不忘常以朝哺听事其間接賓客飲食嬉戲加之博奕每尽人
歡事後迂大將軍錄尚書事董允禕為尚書令旬日之中事多
亭滯允嘆曰人才力相懸若此非吾所及

又曰蔣琬字公琰諸葛亮每言公琰託志忠雅當與共讚王業
也密表後主臣若不幸後宜以付琬亮卒琬與為尚書時親喪
元師遠近危悚琬出類拔萃處郡察之右既無戚容又無喜色
神守舉止有如平常由是衆望漸服

又曰劉巴字子初代法正為尚書令躬履清儉不治置產業又
自以歸附非素惧猜嫌恭默守靖退無私交非
公事不言

又曰李文字季陽代董允為尚書令庶事無晉門無停賓又歷
職內外治身儉約謙靜少言為政不煩琬為清能然時非法刻
深好用文倍吏故居大官名聲損於郡縣

晉書曰樂廣為尚書令所在無當時譽然為後人所思
又曰裴秀為尚書令秀創制朝儀廣陳刑政朝廷多遵用之以
為故事在位四載為當世名公

又曰李胤為尚書令雖歷職內外而在公退食而在家貧儉病無以市藥上賜錢十萬

又曰荀勗守尚書令課式令吏以下覆其才能有闕於文法不能決疑處事者即時遣出帝嘗問曰魏武帝言荀文若之進善不進不止荀公達之退惡不退不休荀公居之亦望於居也

又曰會稽王道子嘗集朝士置於東府尚書令謝君因醉為委巷之歌王恭正色曰居端石之重集藩王之第而肆淫聲欲令群下何所取則石深御之

又曰鹿之字叔虎為尚書令與謝安共掌朝政安每稱曰朝之大事衆不能決者諮之王公無不得判

又曰大熙元年詔曰夫摠百官之得失管王政之開塞者端右之職也是以自漢代以來每選此官必慎其人議郎王戎可為尚書令

又曰衛瓘字伯玉拜尚書令性嚴整法以御下視叅左尚書郎若掾屬

又曰熊遠哲曰伏見吏部以大尉荀組為尚書令復領荊州牧自三代以來未聞以納言之官而出領牧者

晉中興書曰卞壺為尚書令司徒王尊稱疾不朝壺奏尊專任

無故事寢不行舉朝憚壺

又曰萬協為尚書令詔曰尚書令協抗志高亮才鑒博雅朕甚嘉之

晉書曰百官表註尚書令一人唐虞官也是謂文昌天府銅印墨綬五特朝服納言憤進賢兩梁冠佩水蒼玉官品第三俸月四十五斛領都摠攝諸曹出納王命

晉公卿書曰尚書令拜受命皆策薨則於朝堂發哀古之冢宰以在端右之故也

晉故事曰賈充為尚書令以自疾表置省事於是遂置省事吏四人品職專服與諸曹令史同

宋書曰王僧為尚書令常為飛白書題尚書壁曰圓行方止物之定質修之不已則溢高之不已則蹶引之不已則遺是故去之宜疾當特嗟賞以此座右銘

又曰武帝踐祚王瑩選尚書令時有猛獸入郭上意不悅以問群臣皆莫能對瑩在御筵乃欽板答曰昔擊石拊石百獸率舞陛下應籙圖武像來格帝大悅衆咸服焉

齊書曰謝朓字仲冲徵為司徒尚書令朓辭脚疾不堪謁仍角中自輿詣門雲龍門謝既見乘小車就席

齊職儀曰秦漢之世委政公卿尚書之職掌封奏令贊文書僕射主開閉令不在則僕射奏下其事魏氏重內職八座尚書任同六卿舜奉八元八凱謂賢能用事義如昔也

梁書曰何敬容為尚書令貪恠為特所嗤鄙其署名敬字則大作苟小為父容字大為父小為口陸倕戲之曰公家苟既奇大父亦不小敬遂不能答又曰漏禁中語故嘲誚日至嘗有容姓吉卿與所吉遠近日如明公之與肖何

唐書曰太宗在藩嘗為尚書令其後人臣莫敢為遂廢其官廣德元年代宗以親賢大有勲遂特拜尚書令

又曰廣德二年冬詔郭子儀於尚書省視尚書令事命卒臣已下特遣射生五百騎執戟翼從自朝堂至於省賜以教坊音樂五代史梁書三年詔升尚書令為一品按唐典尚書令正二品至是以將授趙王王容此官故升之

會稽先賢傳曰沈勲徵詣南宮賜酒拜尚書令持節臨辟雍官百僚。襄陽耆舊傳曰劉季和舊曰苟令居至人家坐處三日香徐廣車服儀制曰尚書令詔車黑耳後戶

通典曰大唐尚書令朝服鷩冕八旒七章三梁冠

鷩雉冕也


武德初太宗為秦王特嘗居之其後人臣莫敢當故自龍朔二

年制齊尚書令

尚書有大聽當省之中令謂之都堂

一閣在東掖門內路西即尚書省崇禮門東建禮門

書之下舍之門



覽卷第二百一十終

